

SEVENTH SITTING FOR THE NINTH SESSION OF THE FOURTH MIZORAM LEGISLATIVE ASSEMBLY ON THURSDAY, THE 29TH MARCH, 2001.

P R E S E N T S

PU R.LALAWIA, Speaker at the Chair, Chief Minister, 14 Minister and 23 Members were present.

Q U E S T I O N S

QUESTIONS entered in separate list to be asked and oral answers given.

P R E S E N T A T I O N O F R E P O R T

- (i) PU H.RAMMAWI to present to the House the 9th Report of Public Accounts Committee relating to Printing and Stationery Department.
- (ii) PU C.SANGZUALA to present to the House the 1st Report of the Committee on Petitions.

D I S C U S S I O N A N D V O T I N G O N D E M A N D S F O R G R A N T S
F O R 2 0 0 1 - 2 0 0 2

- (i) PU B.LALTHLENGLIANA to submit to the Vote of the House various Demands for grants under his charge.
- (ii) PU LALCHAMLIANA to submit to the vote of the House various Demands for grants under his charge.

S P E A K E R : Pathian ring tawh te chuan
thil tha ti zel turin ngaihtuah
rawh se, tih thu hi a rinawm
a ni. Chung thu chanchin chu

huai taka i hrilh tlat ka duh a ni. Chung thu chu mihring te tan a tha in a sawt a ni.

Tita 3:8.

Business ah kan kal nghal anga, starred question No.109 na zawt turin Pu C.Thanghluna ilo sawm ang.

PU C.THANGHLUNA : Pu Speaker, starred question 109 na Minister Environment & Forest Department chhan atan-

- (a) Ngengpui Wildlife Sanctuary hi Forest Department hian a venghim tha in a hria em ?
- (b) Wildlife Guard engzat nge a dah a, an hlawh atan thlakhat ah engzat nge a sen ?

PU RUALCHHINA MINISTER : Pu Speaker, Pu Thanghluna MLA zahawm tak zawhna -

- (a) Ngengpui Wildlife Sanctuary hi Forest Department hian a venghim tha in a hria em ? tih chhanna chu - Ngengpui Wildlife Sanctuary hi Forest Department hian a venghim tha in a hria e.
- (b) Wildlife Guard engzat nge a dah a, an hlawh atan thlakhat ah engzat nge a sen ? tih chhanna chu - Wildlife Guard, (Muster Roll) 11 dah a ni a, an hlawh atan hian thlakhat ah Rs.23,100 sen ani e.

PU C.THANGHLUNA : Pu Speaker, zawh belhna - Lawngtlai Bazar a vawksa, sanghal sa te leh sakhi sa te an zawrh reng thin hi Wildlife Sanctuary Ngengpui a mi an kah ruk niin hriat a ni a, ramsa te him zawka humhalh that anih theih nan Sorkar hian engtia hmalak nge a tum ? hetia an sa te an zawrh reng lai hian a him tawk e in ti reng dawn em ni ? tih kha zawh belhna pakhat ani a.

Tin, a pahnihna ah engti chiah in nge hmalak Sorkar hian a tum ? Engti chiahin nge a humhalh theihna tura hmalak a tum ? Tin, Wildlife Guard dah belh tumna a nei em ? Tin, Wildlife Guard te hi Khaw chhung a awm tur ringawt in em ni a dah reng dawn ?

PU ZAKHU HLYCHHO

: Pu Speaker, zawhna pakhat, Ngengpui Sanctuary a Forest Guard dah ho hi anmahni ngei ka hmu thin a. A hmunah hian

an awm lo reng reng a. Anmahni khua ah an awm a, thla tawpah hlauh la turin an kal mai thin a. Chutiang chu a awm tih kan Minister hian a hria em? Nichin khan kan veng tha i ti a, an khua atanga an ven chuan a that vak ka ring lova, chuvangin, helaiah hian thil diklo a awm tih kan Minister hian hriatna a nei reng em?

PU K.T.ROKHAW

: Ngengpui Wildlife Sanctuary hi Km. engzata zau nge a nih a, hemi Sanctuary ah hian eng sa te nge awm?

PU RUALCHHINA
MINISTER

: Pu Speaker, tuna Ngengpui Sanctuary him zawka kalpui dan tur engtingge ni ang tih zawhna kha chu kan chhan tawh

ang khan a him tawkah kan ngai rih a, ala tha rih hie pawhin kan ngai a, khatiang kha kan la hriat ngai loh avangin. Tin, kan hriatna hmasa pawh a niawm e. A him leh him loh kha la fiah leh pawh a ngaih hmel riauvin ka hria a, a lawmawm hlein ka hria a. (Sa te hi bazar a hralh a nih thleng hian an himah kan la ngai thei zel dawn em ni? - Pu C.Thanghluna) kha kha Sanctuary chhung ami an kah emaw an thah emaw sa anih leh nih loh kha identified phawt loh chuan 'khata mi a ni e' tih ngawt chi kha a nilovin ka hria a. Chuvang chuan a nia, a nilova chu chu, Lawi sa te pawh miin an rep a, Sazuk sa tia mi bum an ching tihte pawh a awm ve tlat mai a. Chuvangin, Sanctuary ami Sazuk sa emaw eng sa emaw an ni tih ngawt kha bazar-a an zawrh avang khan a him lohna ah kan ngai lova. Bawngsa rep pawh a ni maithei a. Chuvangin, kha kha chu a dik tak a nih chuan enquiry pawh kan la anga, hei hi chu hriat pawh kan tum a ni.

Tin, a him zelna tur hian chu guard pawh kan dah a. Tin, tunlaih pheh chuanin urhsun zawkin a development Scheme leh engemaw te pawh kan kalpui zel avang khan him zawka tih kan tum bakah khami avanga engemaw te a ramsa te chhuakin emaw an lo hliam palh thleng pawha a measure kha engtingge ni ang ti a hmalak zel ani a. Mahse tun maiah hi chuan Ngengpui bikah chuan guard dah belh tumna a awm hrih lova.

Tin, Pu Zakhu a zawhna kha hlawhlak hunah guard leh thawktu te hian an la mai thin a, khua ah an aww mai thin niin a lang a. Hei hi Sorkar in a hre lova, tin, Khatiang tur khan kan dah lova. Khalaiyah khan chutianga an lo aww anih chuan tun maiyah nilo, nakinah pawh min rawn puih zel a, information min pek kan lo beisei dawn a ni. Khatiang thil tha lo a lo aww tih kha tunah hi chuan kan hre rih love. Tin, hmanni khan thuthang diklo tak mai pakhat chu kan han hria a, Sai pakhat an kap tih kha, enquiry kan han lak tir vat a, chu pawh chu titi thang mai a lo ni a, pawl kan ti khawp mai. Kan MLA zahawm takte pawh hian engemaw hriatna diklo emaw thuthang diklo deuh emaw an lo dawng palh ve fovin ka ring a, mahse in thahnemngaihna a heng in rawn zawt hi keini tan hmalak a tirem a. Tin, tih tur min hriat zualtir thin a, a lawmawm hle a ni.

Tin, kan MLA zahawm tak Pu Rokhaw zawhna engtia zau nge tih kha Sq Km 150 a zau a ni a, Lawngtlai atanga Km 30 vel a aww a ni a. He Sanctuary hi 1997 atanga siam chhoh chauh kha a ni a, nungcha pawh hi chhiarna chu 1999 khan kan han nei a, Sava aww leh ransa aww ho kha hriatthiam hi a har khawp a, floating population kan tih ang deuh kha a ni a, a then an rawn thlawk lut a, a then an thlawk chhuak a, chuvangin, tunah pawh hian engzat nge aww tihte sawi thiam har tak anih min lo hriat sak ula. Amaherawhchu, khatianga kan chhiarna azarah chuan ransa te leh nungcha te engnge aww tih ah chuan Sakei te, Sanghar te, Savawm te, Zamphu te, Hahuk pawh awwin kan hre nghe nghe a. Sanghal te, Sazuk, Sakhi khatiang ang khan an aww ve mial a ni. Chinghnia te, Awrang leh Leikaosen tih thlengin an aww ve a ni. Chepa pawh a aww ve tho ang. A ngaw saw a tha ve angreng khawp a, a chhuan pawh kan chhuang a, engemaw lai phei kha chuan Elephant Project atan pawh hman a tha lawm ni, outlet corridor emaw a nei ve em rawn fiah teh u kan inti a, Corridor a lo nei lo hlah a, chutiang chuan he Sanctuary hi kan chhuang ve viau a, kha kha kan dinmun leh kan han sawi theih a ni e.

PU C. THANGHLUNA

: Pu Speaker, ka zawhna pakhat kha a chhang lova, heng Wildlife Guard duty te hi an duty dan tur hi a chiang lo em ni ?

Khawchhunga aww ringawt a duty tur nge ni ? Khawi atanga duty tur nge an nih ? tih min chhang lova. Zawhna min chhanna ah - kan Minister te kan zawhna hi thudik tak chhanna kan beisei a. Fiamthu thawhna ang deuha tih thin hi thudik mang lo, pawmtlak mang lo a inchhan thin hi fiamthu kan sawi dawn anih chuan Vanapa Hall ah kal mai hi a tha zawk lawm ni.

PU NIRUPAM CHAKMA : Pu Speaker, whenever any members speaks in the House, I think every member speaks seriously. Why do all the Ministers, almost all the Ministers give us a back reply ? Sawhthing rate an siam a, kan sawi a, official ah hriat a nilo. 1 Kg. Re.1/- an sawi tih official ah hriat a nilo. Lawngtlai bazar ah ramsa an zuar tih kha kan member zahawm takin a sawichhuak a. Let them take it seriously. Chuvangin, Minister zahawm takin enquiry a la dawn em ? tih kha rawn sawi rawh se. Assuarance min pe thei ang em?

PU K.T.ROKHAW : Pu Speaker, zawh belhna - Forest Department in road side a thingphun hi hmalak zel a tum em ? tih leh mau mahal ho in a Vairengte tlangdung leh Hortoki a mau an suasam dan hi Sorkar hian a hria em ?

S P E A K E R : Sanctuary chungchang thu kha zawt teh u. Member ho pawh hi inzawt duh dah ve leh bawk thin a ni, a subject ah hian kal teh ang. A Department chhung ami zawng zawng chu inzawt thei nang. Sanctuary a nia a main question a hi: Sanctuary chungchang thu a zawhna kha chhang turin Minister i lo sawm leh ang.

PU RUALCHHINA
MINISTER : Pu Speaker, zawhna kan han chhan hianin kan serious lo a nilova, a dik tak khan kan han ti hram hram a. Amah-erawhchu, khalaiah khan a dik lutuk vang nge in nuh a za thin a, chu chu nangmahni khan in lo la serious lo ni zawkin ka hria. Chuvang chuanin serious lo taka han intih te kha ni lemin kei chuan ka hre lova, serious takin kan chhang a. Tin, bazar-a sa an zawrh apiangte hi identify a eng emaw anih loh chuan Sazuk sa te anih tih kan hriat loh chuan keini tan khawih theih mai bik a nilova. Chu chu engemaw chenah phei chuan kha sa kha a thianghlim leh thianghlim loh thua te pawh Vety lam pawhin engemaw chen

mawh an phur a. Khatiang thil kha chu bazar ah hian keini chuan a awm kan ring lo sa zawk nghe nghe a. Amaherawh-chu, in rawn zawh tak azarah chuan kan chhang chauh zawk a nia.

PU LALRINZUALA

: Pu Speaker, member zahawm tak khan Sakhi sa an zawrh thu a sawi a, a hrih a, a hrechiang a, dawt sawiah a puh ta tihna em ni ?

PU RUALCHHINA
MINISTER

: Pu Speaker, a rawn sawia kha, a rawn zawhna kha kan welcome khawp mai. Amaherawhchu, khatiang tak khanin keini chuan kan hre lo a ni zawk a. Tin, Sakhi nge a nih a Sazuk tih pawh kha thuti mai chuan kan zu identify thei lo a ni.

PU ZAKHU HLYCHHO

: Pu Speaker, hei kan MLA zahawm takin Lawngtlai bazar a ransa an hralh thin hi kan Wildlife Sanctuary ami an ru a, an hralh a nilo maw ? tih report a pe a. Chu chu kan Minister hian 'kan lo en ange' chu ti sela ka la hrethiam a. Amaherawh-chu, kha a sawia kha Lawisa pawh a ni maithei, Bawngza pawh a ni maithei, a thianghlim leh thianghlim loh Vety exam tir a ngai ang ti zawnga a chhang kha chu chhan dan tur a ni lovin ka hria a. He House ah hian Lawngtlai a awm ngei kan MLA zahawm takin bazar ah an hralh thin a, hei hi Wildlife Sanctuary a mi an kaphlum thin a ni lo maw tih a zawt anih chuan 'kan lo chhui ange' tal pawh tih awm. Engah nge Bawngza a ni maithei, Lawisa a ni maithei a ti. a, kha kha chhan dan tur a ni miah lo.

PU RUALCHHINA
MINISTER

: Nia kha kha chu Pu Speaker, lo ti rawh u pawh ti lo mahselangin kan tih tho tho tur a ni zawk a. Khatia an

rawn tih azarah chuan MLA zahawm tak tena an rawn tih kha chu lawmawm pawh kan ti a. Amaherawhchu, a pawng a takin action lakna tham a nih leh nih loh erawh chu kan hre lo a ni zawk a ni. Kha kha chu kan chhui ange kan tih loh pawhin kan hna a ni a, kan hna kal lai mek a ni a, kan tih lai mek a ni zawka.

Tin, chutiingin thil zawhfiah ngai te leh engemaw pawh a theih ang angin phone te, W.T. te, tin, a chang chuan mite pawh intir in heng hi chu kan inkar tawn ve reng chu a ni a. Chuvangin, khangte pawh kha khil tak tak a lo awm em tihte kha chu kan la hmabak a ni a, kan tih turah pawh kan dah reng a ni. Tin, serious tak pawhin kan la a, tin, helaiiah hianin khatianga awmin min ngaimawhpui a, zawhna te pawh an rawn zawt a, chu chu i hria em ? an ti a kan lo hriat loh a kha kan en chu a ngai reng a ni. Chu chu kan sawtna tur pawh a ni ang tih kan ring a ni. Awle, chu chu ka ehan theih tawk ni rawh se, ka lawm e.

S P E A K E R : Starred Question No.110-na zawt turin Pu P.B.Rosanga i lo sawm ang.

PU P.B.ROSANGA : Pu Speaker, ka zawhna Starred Question No.110 ka zawhna chu hei hi a ni -

(a) Kum 1999-2001 chhung hian Fisheries Department in Fish Seed Farm engzat nge a siam ?

(b) Khawi khawiah nge ?

(c) Sum senral theuh dan ?

Chung chu min chhang turin Fisheries Department Minister ka zawt e.

PU H.VANLALAUVA
MINISTER

: Pu Speaker, Ngopa bialtu zah-
awm tak zawnha -

- (a) Kum 1999-2001 chhung hian Fisheries Department in Fish Seed Farm engzat nge a siam ? chhanna chu -
Kum 1999-2001 chhung hian Non-Lapsable Food Fund hnuai ah Fisheries Department chuan Fish Seed Farm 4(pali) a saam.
- (b) Khawi khawiah nge ? chhanna chu -
(1) Zawlnuam (2) Lengpui (3) Zobawk (4) Phura (Palak) ah te a ni.
- (c) Sum senral theuh dan ? chhanna chu -
Sum senral han tih hi senral tura ruahman hna kallai mek a ni a, la zawn fel loh a ni a, hetiangin ruahman a ni -
- | | |
|-------------------|-------------------|
| (1) Zawlnuam | - Rs.64,22,902.00 |
| (2) Lengpui | - Rs.36,91,629.00 |
| (3) Zobawk | - Rs.33,62,487.00 |
| (4) Phura (Palak) | - Rs.30,00,000.00 |
| | <hr/> |
| | Rs.164,77,018.00 |

PU J.LAWMZUALA

: Ka question chhanna ah khan
Zobawk, Lengpui, Zawlnuam, Phura
ah hmalak mek a ni tih a ni a.
Vawinah engchenge hmalak a

nih tawh tih zawnha ah khan Phura (Palak) hi hmah a ni leh daih a. Tin, kan Budget Speech ah hian Zawlnuam, Lengpui, Zobawk hi a awm a, Phura a awm leh lova. Heti zah pawisa hi kumkhat dawn a ni tawh a, eng atana hman nge ? Tin, Non-Lapseable Pool Fund atanga nuai 200 sem hi a chuang nuai li dawn lai a awm a. Hemi hi eng atana dahthat nge ? tih hi ka zawn belhna a ni.

PU C.THANGHLUNA

: Pu Speaker, Fishery Farm tih
leh Fishery Pond tih hi in-
kaihnawih tho nia ka hriat
avangin han zawt ta ila.

Lengpui Fishery Pond khu Sorkarin enkawlzui zel a tum ta lo em ni ? tih a ni a. Tin, Lengpui Fishery Pond-a Fishery Department Staff te kha khawiah nge an awm tak ? Tin, enkawlzui zel tum ta lo nise khu Dil khu engtia tih zel nge an tum ? Public Auction ah sale a tihral an tum nge engtia tih nge an tum ? tih ka zawt belh e.

COL. LALCHUNGUNGA SAILO : Zawh belhna - Hei kan Chief Minister Budget Speech ah hian phek 21 na ah hian Fish Seed lakh 24 chhuah niin a lang a, luiah te hei hi Fish Farm atanga lak nge a nih, khawi atanga lak nge a nih tih ka zawt e.

PU P. B. ROSANGA : Pu Speaker, nikuma Supplementary Demand ah khan a lang tawh a. Nikuma kan Budget Memorandum ah hian a lang bawk a. October vel khan heng an sianna hmun hrang hrang Lengpui, Zobawk tihte kan kal a. Sulhnu ka hmu lem lova, englai atangin nge heng hna te hi tan an nih? Eng thla atangin nge tan an nih?

PU LALHMINGTHANGA : Ka zawh duh chu hemi hmun li a chi sianna tur dil hi tuna an sawi ang khan Supplementary Demand ah 27/3/01 khan kan pass a. Thu kan han hriat taka hi chu khami Financial year chung khan he pawisa nuai 200 hi A.C. Bill Treasury atanga draw a ni tihin kan hria a. A dik em? Chutianga draw chhuah chu nia kan hriat avangin heng Sangha dil sianna tur hmun li te hi ka zin pahin ka en thin a. Zobawk ah chuan thla hmasa ni 4-a ka kalin M/R hmangin a sir an samfai bak chu hmuh tur a awm lova. A dangte pawh hi a hmunah ka tlawh chiah lo na a, hnathawh a awm vak lo a ni. A awmzia chu nuai 200 hi kum khat chung kha draw tawh siin khawiah emaw a awm tihna a ni a. Khawiah nge a Department khan a dah min hriih Chiang thei se. A chhan chu thla 10 chuang khatianga heti zat Sorkar pawisa hi a awmna lai hre lova House kan awm hi a tha lo a ni.

S P E A K E R : Pu J. Lalthangliana khan a zawt dawn em? Zawh belhna a nih pawhin hei chhan tur hi a tam si a, nangmahni tan information hetia hmaichhana han inhrikhfiah hi a tha zawk a. Tlemin hun hi ren deuhhlek ula, a point te hian zawt ta ula. Hei hi mipui pawhin an ngaithla chak a,

chuvang chuanin tlemin kal chak deuhhlek tum tawh ila.

Awle, tunah chuanin Pu H.Van-
lalauva, Minister i lo sawm leh ang.

PU H.VANLALAUVA
MINISTER

: Pu Speaker, Lunglei South
bialtu zahawm tak, Pu J.Lawm-
zuala zawhna - Phura, Palak
cheng nuai 30 bika kha chu

Project Report ah MADC Central ah a lo theh lut ve tho mai
a. Fisheries Department in hmalakna a lo telh baw k a.
Tichuan, keimahni State Project Report atang leh MADC,
District Council report atanga thil kal ve ve a kha Fishe-
ries Department ah sanction a lo kal a, chu chu MADC in
anmahni kutkawih ni ve a ngaiin theihtawp chhuahin min
rawn dil a. Chuvang chuan Phura, Palak atana Central in
sanction min rawn pek cheng nuai 30 hi chu District Coun-
cil (MADC) kutah pek ni rawh se tiin Fisheries Department
Officers meeting in a rel a. Chumi ang chuan District
Council kutah dah a ni ta a ni. Chu chu an draw tawh em,
draw lo vem tih kha erawh chu vawinah member te ka hrilh
mai thei lova. Hei hi a tul anih chuan kan rawn chhui
chiang anga, House-ah kher lo pawh, pawn lamah pawh in
hrilh theih turah kan ngai a ni.

Tin, Pu C. Thanghluna zawhna
Ngengpui Farm chungchang hi vawin niah hemi zawhna zingah
hian a telin a chhanna han buatsaih tel kha a ni thova.
Mahse tunah chhang nghal mai ila, helaia an hriat duh
ni a lang chu, 1997 leh 1988 ah khan Ngengpui Farm ah
hian hmalak a ni a. Chutah chuan, Stopping park pakhat
Rearing tank 2, Breeder Tank 2, Nursery Tank 8 siam a ni
a. Tin, 1994 leh 1995 ah khan Nursery Tank 3 siam belh
leh a ni a. Tichuan a vawin Tank 16 a awm a, amaherawhchu,
1996 to 2000 inkar chhungah khan tuilian leh eng eng emaw
in heng tank te hi tam tak a tichhia a. Chung tharthawh
leh chu a tul hle a, amaherawhchu, fund indaih lohna avangin
vawin ni thlengin hmalak zawm hleihtheih lohina awm a.
Nimahselangin, tuna non-lapsable pool fund ah hian project
report ah telhin hmalak tum a ni a, a 1st Instalment ah
erawh chuan hmalakna tur zingah an rawn telh ta rih lo
mai a ni a. Tin, heng fund te hi enkawl zui zel a la ni
a, Field Officer incharge H.C.Lalrinthanga Fisheries
Demonstrator leh Farm Chowkidar Pu Sachia te vawin ni
thleng hian Lengpui Farm enkawl turin dah an ni e tih
kha kan chhanna nise.

Tin, Col.Lalchungnunga Sailo
MLA zahawm tak zawhna Riverine an tih mai Mizoram lui
hrang hranga sangha chi chhuah chungchang thu a Mizoram
seed farm a mi chhuah nge ni khawi ami nge kan chhuah
thin ? tih hi-tuna kan chhuah tawh ho zawnga hi chu kei-

mahni supplier, keimahni ranchhung ngeia seed farm neite Fisheries Department in Mizoram lui hrang hrangh a chhuah thin a ni. Mizoram chung ngeia seed farm kan neihthe atanga supply rawn titute hian rawn pe tura tih an ni thin a. Chutianga an pek chu chhuah thin ani tih hi ka chhanna nisela.

Tin, a zawhna neitu Pu P.B.Ro-sanga MLA zahawm tak zawhna heng Lengpui hna te leh a dangte hi engtika tan nge anih tih kha Central in sanction an rawn siam a hi State Finance leh Planning lam atangin eng engemaw harsatna avangin heng a fund a hi tihfel mai theih a ni lova. Amaherawhchu, chuti chung chuan hun a chep si avangin February thla atang khan a pawisa hi la draw theih chiah loh mahsela, hna kan tan loh chuan thil fello a ni thei dawn a, tiin hengte hi a rang thei anga hna tan turin kan inhrilh a. Chumi ang chuan heng Lengpui chauh nilovin Zawlnuam leh Zobawk ah te pawh hna tan zui nghal a ni a. Tunah hian mita hmuh theihin a awm a. A kal chuan in nmuh vekin ka ring a, keini pawhin rilru takin a hun a tawi ngaihtuahin kan hnathawktu ten an thawk thain kan hria a. Kar leh lamah hian LPS Vision leh Doordarshan Kendra Vision Cameramen te nena hmuh hi tlawh a, LPS Vision ah te, Doordarshan Kendra ah te, Fisheries Department hmalakna hi miin an hmuh theih tura buatsaih tumin zin programme kan siam ve mek nghe nghe a ni tih hi kan chhanna a ni a. Opposition Leader zahawm tak Pu Lalhmingshanga, East I bialtu zahawm tak zawhna kha kan sawi tawh khan a chhang thawkhatin ka ring a. Tunah hian he hnathawhna tura pawisa Central in min rawn pek hi nikum lam atanga A/C bill a draw tawh a, khawimaw laia Bank a dah anga hriat hi chu Pu Speaker, hriat sual palh anih ka ring a. Hemi pawisa kan hmuh loh avang hian hna kan tan lawk thei lo a ni zawk e.

PU LALHMINGTHANGA : Pu Speaker, hei Central in progress an monitor na lehkhabu ah hian September thla ni 1-a an han tihchhuah ah khan fund release tiin tah hian an ziak vek mai a. Khami project zawng zawng ami kha. Engtizia nge chu chu tunah pawh la draw loh tih ang khan kan Minister khan a sawi niin ka hria a. Kan hriat zawng zawng hi a dik vek lo thei bawk a. Mahse, a dimmun dik tak kha hriat kan duh avanga zawt kan ni a. Central lamah chuan an rawn release daih tawh tih kha hetah hian Chiang takin a ziak bawk si a. Chiang lehzualin min han hrilh teh se.

*Speech not corrected.

...330/-

PU H.VANLALAUVA
MINISTER

: Opposition Leader zahawm tak hriat dan kha a dik thei thova. Central lam atang chuan nikum September atanga sanction order kha kan hmuh a ni. Mahse, State Planning leh State Finance lam ten detail estimate leh thil buatsaih thar a a bul-a tan leh tura tih kan nih angin buatsaih a ni a. He fund hi nichina kan sawi zawng kha vawiinni thleng hian treasury atangin pakhat an la draw lo a ni tih hi kan chhanna a ni e.

S P E A K E R

: Starred Question No.111-na Pu Vanlalhlana zawt turin i lo sawm leh ang.

PU VANLALHLANA

: Pu Speaker, starred question no.111-na Minister zahawm tak Horticulture changtu hnena ka zawh chu -

- (a) Sorkar hian sawhthing chi tur quintal engzat nge lei a tum ?
- (b) A leina tur rate engzat nge ni ? tih ka zawt e.

S P E A K E R

: Chhang turin Minister of State i/c Horticulture Pu C.Lalrinsanga i lo sawm ang.

PU C.LALRINSANGA
MINISTER

: Pu Speaker, Lungpho bialtu zahawm tak zawhna (a)-na chhanna chu - Sorkar hian Central Financial Institution hrang hranga loan lain an channelising agency theuh kaltlangin sawhthing chi tur quintal 60,500 lei a tum a ni. Tin, (b)-na chhanna chu sawhthing chi hi Kg.ah Rs.10/- hisap a lei tum a ni.

PU J.LAWMZUALA

: Pu Speaker, hei Sorkarin sawhthing chi quintal 60,500 lai lei a tum a. A hmasa a ka zawhna a chi tha hi a ni em ? Engtingge hei hi thlan a nih tih ka zawhna kha sawhthing hi chu a chi tha vek a ni tiin min chhang tawh a. Heti zozai kan ching anih chuan a thar tha hle dawn a. A chi tha a nih a, hetah hian kan zawh belh duh chu - Marketing ah hian kan buai leh palh ang em ? Chhimtuipui District te, Lunglei District te tan Vairengte ah purcha sing point siam hi a tawh lovin ka ring a. Hei hi Mizoram pum tana a that zawk nan sawhthing chingtute Zoram pum huapa a that zawk nan hemi a leina hmun hi Vairengte gate ah chauh ni lovin hmun hrang hrangah siam tumna a awm em ? tih ka zawh belh a.

Tin, chutianga theih loh chuan kilkhawr zawk Vairengte atanga hla tak Chhim tawp atan te hian transport subsidy pek theih a ni ang em ? tih hi ka zawh belhna a ni.

PU H.LALTANPUIA

: Pu Speaker, zawh belhna - Sawhthing loan an sem tur hi a tira ka hriat dan a sual loh chuan mipakhat hnenah 10 quintals theuh tih a ni a. Amaherawhchu, sum leh pai duh ang tawh a daih lo leh a duh an tam tak avangin niin ka hria a, 5 quintals ah tlakhniam a ni leh a, chu chu mipui tam zawkte pek theihna tur atana Sorkarin a ruahman chawpchilh leh niin ka hria a. Chutah chuanin sawhthing chi la tu turte chu an khua ah Truck a lut thei tur a ni tih kha kan hotuten an sawi niin ka hria a. Ka bialte Khawlek, Vanbawng leh Zawngin ah Truck a lut a, Bus a lut bawh a, sawhthing chi loan hi Association in siamin an dil ve a, mahse, Vanbawng te, N.Khawlek leh Zawngin te hnenah inhmu ve thei lovang, Horticulture Department ho hian an ti leh si a. Kha kha engnge a awuzia ? Truck lu theihna chinah kan pe ang ti si tih kha kan zawt duh a ni e.

PU IALRINZUALA

: Pu Speaker, Sorkar hian sawhthing chi a lei tur zat a kha a lei kim tawh em ? tih kha ka zawh belhna

pakhatna a ni a. , A pahnihna ah chuan a leibanga hi a hralhna tur Sorkar hian a ngaihtuah sak dawn em ? A pathumna ah chuan a leitu turte hi a chi tha ngei pek an ni ang tih kha chhanna kan hmu thin a, helaiah a chi chhia an pek thu sawi a ni a. Horticulture Department a chingtu Department ngei kha an lo ni a, a leitu nilovin, a chi tha ngei kha an pe ta em ? tih kha kan zawh belh ve duh a ni e.

PU F.LALTHANZUALA : Pu Speaker, zawh belhna kan zawt ve ange. Hnahthial ah sawn sawhthing chi hi a leitu ten an duhzawng thlang thei lovin, "chumi ta chu i lei ngei tur a ni", an rawn ti a. Hmanni ah pawh khan an insual thelh a, kan Sorkar pawh khan a chi tha lei tur tih kha a ngai pawimawh a, mahse, Hnahthial ah chuan Ruling Party hotute chuan "Hemi ta hi i lei tur a ni" an ti tawp a. Mipakhat chuan a va lei ta a, mahse a lo chhe em em mai a, pek let leh a tum a, an insual deuhthaw a. Hetiang thil awm hi kan Minister hian min enfiah sak thei angem ? tih ka zawtin ka ngen e.

PU P.B.ROSANGA : Pu Speaker, zawh belhna - kan Sorkarin sawhthing loan atana sum a tum te hi financial agency a hman zinga pakhat ZIDCO hian a repayment thu ah Government in guarantee min pek loh chuan pawisa kan pe chhuak duh lo an ti tih a awm a, thudik a ni em ? Sorkarin a guarantee a pe thei dawn em ? tih ka'n zawt e.

PU J.LALTHANGLIANA : Pu Speaker, Mizoram District 8 ah hian eng District hian nge sawhthing thar tam ber tih min hrilh thei em ?

PU VANLALHLANA : Pu Speaker, ka'n zawh belh leh duh chu, sawhthing chi 60,500 quintals Sorkarin a lei a, nakumah hian sawhthing

a tlem berah 6,00,000 quintals hi a thar dawn niin a hriat a. A hralhna tur lampang te hi Sorkar hian inbuatsaihna a nei em ? engnge a inbuatsaih na ? tih ka zawt duh a. A dawt lehah chuan Mizoramah hian sawhthing hi a tam thin a, a manganthlak thin hle mai a, tichuan loneitute sawhthing a lo tam ta a, an tum ang an thar ta lova. Chumi ah chuan engngeni crop insurance kan tih ang policy Sorkarin a siam dawn em ? Tin, khatiang sawhthing tam kha engangin nge ni damdawi hmang te emaw khatianga enkawl dan te kha awm em ? Tin, Mizoram a kan sawhthing chin hi eng variety tihte kha a awm em ? tih kan zawh belh teh ang.

PU K.T.ROKHAW

: Pu Speaker, Phullen khua a MNF pa te chauh sawhthing chi lei tur tih hi sorkar hian a hria em ? Tin, hria

nise hei hi a tak tak nita se action a la dawn em ? tih ka zawhna pakhatna a nia.

Tin Pu Speaker, a in relevant riauvin ka hria a. Sawhthing loan la turte hi ZIDCO in a pe thei lo tih hi a dik em ? Central atanga sawhthing loan pawisarawn kal a hi Mizoram Sorkarin guarantee a pe ngamlo tih hi a dik em ? tih hi ka zawh belhna a ni e.

PU R.LALZIRLIANA

: Pu Speaker, zawh belhna - Farkawn khua ah chuan in khaw chhungah sawhthing chawh sa, sawhthing hrisel

tam tak a awm a, chu chu a chiah lei duh lovin, MNF VCP ta kha rama mi lei turin an ti a. Hei hi a phurh man hi Sorkarin an pe dawn nge tih kha kan zawt duh a.

Tin, tuna kan sawhthing hring thar Sorkar pawhin a hralhna a hriat loh hetia dah vuai a dah tawih mai ai hian engemaw a chhawkna tur thildang hi Sorkar hian ngaihtuah a nei em ? Saitual thlen dawnah khian a tihro na te term hmasa khan an siam tawh a. Heng ang zawng te hian tan lak a tum em ? tih ka'n zawt e.

S P E A K E R

: Mi pakua lain Supplementary question an rawn ti tawh a, chhang turin Pu Lalrinsanga i lo sawm leh ang.

PU C. LALRINSANGA
MINISTER

: Pu Speaker, zawhna a tam ang-reng hle a. Sawhthing chung-changah hian, hei Department chingtu kan ni nanga, hei tunhnai a loan kan han pek turah pheih chuan a khawihthu dang kan insiam hial hlawn a. Tun tuma kan operation chungchangah pawh hian, hei Trade & Commerce chante a lo ni bawk a. Engpawhnisela, a nodal department kan nih angin helaia zawh belhna lo luh ang ang hi chhan kan tum anga.

A hmasa berin Lunglei 'S' bialtu zahawm tak khan a Market chungchang thuah, "Vaireng-te chauh lo, hmundang ah lei tumna dang siam a tha lawm ni ? tih rawtna a rawn neiha kha a dik a. Tunah hian kan channel nung awmchhun a chu Vairengte lam anih rih avangin khulamah ruahmanna kan nei a ni a. Hei chu sawi ang khanin Trade & Commerce lam chan anih avangin he ruahmanna hi chu a tul anga zir zela la ennawn turah ngai ta ila.

Tin, Transport subsidy chung-chang ah hian hmun hla zawk atanga phurhna hi Sorkarin provision a nei hnan lova. Amaherawhchu, a chingtu tena an inhuam dan azir erawh chuan a chingtute kuta innghat a ni lo thei lo anga. Hun kal zel turah erawh chuanin Sorkarin a la enzui zel turah ngai ila. Tin, Suangpuilawn bialtu zahawm tak khan truck luh theihna si ah sawhthing loan an hmuh loh thu a rawn tarlang a. Hei tun tum kan loan pek tura hi kan han beisei dan chuan vaibelchhe riat hmu thei turah kan beisei a. Amaherawhchu, kan beisei anga kan hmuh tak loh avangin a hma a ruahmanna hmasa kan neiha kha chhut a ngai lo thei lova, tahchuan Department ten hmanhmawh phelengin ruahmanna an han nei zung zung a, tiang chuan hmun thenkhat, truck kal theih lohna hmunte pawh lo chhawk a lo awm lo thei lova, hei ka bialah te pawh min chhawk theuhva, truck kal theihna tho si ah, tiang chu a ni tlang vek mai a. Engpawhnisela, vawikhat kan tihna anih avangin helai chu famkim takin a kal thei rih lo a ni tih kha ka chhanna nisela.

Tin, tun tumah nian sawhthing loan hi sorkarin Central atanga Financial Institution hrang hrang atanga a hmuh a, pek tur, an pek zawh hian engemaw zah chuang tur chu an awm tehmeuh mai a. Hei hi Tlabung lamah te a hralhna dap mek a ni a. Kan neiha bak hi chu a hralh chhuah hi harsa lo turah kan ngai a ni. Tin, Hnah-thial bialtu zahawm tak khan bial chungah Ruling Party ta chauh lei sak tur anga engemaw ruahmanna awm anga a sawi kha Department Sorkar chuan engmah hriatpuina kan nei lova, hemi chungchangah hian.....1.

PU F. LAL THANZUALA

: Pu Speaker, Party ta chauh nilo zawkin, a chi tha an thlang thei lova, chumi ta chu lei rawh, an ti tawp mai a, a dang an thlang thei ta lova, a chhiat pawhin an lei tho a ngai ta anih chu, kha kha a awm a, mipakhat kha an leitir a, a lo chhe si a, thleng let leh a tum a an intibuai a, an insual deuhthaw a, khalai chungchang thu kha min hrihfhiah thei em ?

PU C.LALRINSANGA : Pu Speaker, engpawh nisela,
MINISTER kan lo enfiah ang e. Tin,
Ngopa bialtu in ZIDCO in Gua-
rantee pek theih theih
loh thu a rawn zawhna kha, hei hi a pe thei dawn tih
kha a chhanna nisela. Tin, a hralhna chungchangah hian
Sorkarin hma a la chho zel a. Tin, Crop Insurance hi
National Insurance Corporation hian in rules a nei a.
Chumi ang zulzui chuan ruahmanna nei ania. Hei hi chu
a chawpa a la en turah ngei ila.

Tin, chulo chu, Pu K.T.Rokhaw
Tuipang bialtu zahawm tak khan Phullen a MNF tan chauh
a Sawhthing pek tih chungchang a sawi kha, engmah Sor-
karin kan hriatpui lova.

Tin, Saitual bialtu zahawm
tak khan arkawn ah chawh sa awm, la leh thei silo ni
anga a sawi kha,.....

PU R.LALZIRLIANA : Pu Speaker, ka hrethiam e, la
leh tur nilovin, tam tak a
awm zawk a, khawpuiah khan,
khaw hmunah khan, mahse, VCP
ta kher Ramnuai ami kha lak tur a ni a, khalai a kal
man, a zu chawh man vel kha an pe thei dawn em ni ? ka
tihna zawk a nia.

PU C.LALRINSANGA : Pu Speaker, engpawh nise, kan
MINISTER lo enfiah ang e.

PU LALRINZUALA : Pu Speaker, ka theihngihl
hlah emaw ni ? a lei tur zat
a lei kim tawh em ? tih te,
zawh belhna a tam deuh hlek a,
a lei bang hi Sorkarin hralhna a zawn sak ang em ? tih te.

PU C.LALRINSANGA : Pu Speaker, ni e, hei tunah lei
MINISTER mek a ni a, an lei kim dan chin
chu kan hre kim thei lo a ni.
Sorkarin, lei kim tura ngaih
chu a ni.

PU C.THANGHLUNA : Pu Speaker, zawh lain pakhat
ka'n zawh belh lawk ang a, Mi-
zoram hi Sawhthing chinna hmun-
pui ber a lo ni dawn ta a. Sawhthing chinnaah hian lei-
lung a hek duh hle ta a. Hemi leilung luangral tur

venna programme hi Sorkarin engtin nge siam a tum tih leh chutiang lo nise engtin chiahin nge chu programme chu Sorkarin tih a tum ? tih ka zawt belh e.

S P E A K E R : Minister khan a chhan theih chuan chhang sela, a chhan theih loh leh duh tawk mai ila.

PU C.LALRINSANGA : Pu Speaker, ngaihtuahna ah a MINISTER awm a. Hei hi chu a tul ang zelin kan la ngaihtuah ang.

PU K.T.ROKHAW : Sawhthing loan hi ZIDCO in an pe chhuak tur a ni a. Chu chu Central atanga pawisa rawn kal a ni a. Mizoram Sorkarin Guarantee a pek theih loh avangin loan kha an la thei lo a ni tih hi a dik em ?

PU C.LALRINSANGA : Pu Speaker, kha kha chu ka MINISTER chhang tawhin ka hria. Pu Speaker, Sorkarin Guarantee a pe thei lo.

PU R.LALZIRLIANA : Pu Speaker, Transport Minister zahawm tak chhan atan Question No. 112-na - a) Transport Department hian Motor te chi tunah hian engzat nge a kawl ? b) 2000, nikum chhung khan engzat nge a lei tih ka zawt e.

PU K.SANGTHUAMA : Pu Speaker, zawhna No.112-na MINISTER a)-na Transport Department hian Motor te chi engzat nge a kawl ? tih chhanna chu Transport Deptt hian Motor te chi 30 tunah hian kawl lai a nei. b)-na kum 2000 nikum chhung khan engzat nge a lei ? tih chhanna chu kum 2000 nikum chhungin Motor te chi pakhat mah a lei love, mahse Centrally sponsored scheme atangin Motor te chi 8 chu lei a ni thung a ni.

PU R.LALZIRLIANA : Pu Speaker, zawh belhna. Central Sponsored atangin Motor te chi 8 lei a ni a ti a. Heng hi tuten nge kawl ? Ka lo hriat danin kum 2000 June thla khan Central Sorkar atangin mipui te hman tur accident thil leh thil dang ah Ambulance te, Bus te mipui tena harsatna an neih a, an hman tur leina tur minrawn pe a, chu chu mipuite hman theih a lei ta lo chuan Motor Van pahnih leh Gypsy Soft Top 5 leh Hard Top 1 an lei a, Officer hote hian an insem darh vek mai a nia, mipui te hantur chu khawiah nge a awm tak ? tih kha ka han zawt a. He an Motor 8 lei a hi tu tu in nge kawl ? tih pawh ka rawn zawt a ni.

PU LALRINZUALA : Pu Speaker, Motor chungchang ah khan a ke kha han zawh ve ka duh a. Kum 2000 chhung hian Motor lian ke, Bus te, Truck ke te pawh Transport Department a hman tur eng zat nge lei a nih tih kan zawt a, pahnihna ah chuan Goat Proof Wire Mesh engzat nge an lei, eng atan tak nge an lei tih kha kan zawt tel e.

PU K.SANGTHUAMA : Pu Speaker, zawh belhna - Hemi
MINISTEP Central Sponsored Scheme a Motor lei hi a rawn zawh ang khan tunah hian Van pahnih siam a ni a. A dang chu tuna an sawi ang khan Gypsy te lei a ni a. Hemi Van hi Motor accident te a lo awm tak ah a hmang duhin hman theihin tunah hian kawl reng a ni. Amaherawhchu, a hmangtu awm lova dah ringawt chu a chhe mai duh a, kan Officer te Motor indaih loh em em, Mizoram Sorkarin Motor lei min phalsak si loh avangin tunah hian kan Officer ten an kawl a, chu chu englai pawhin Motor accident emaw, hmang duh an awm chuan hman theih reng a ni tih ka sawi duh a. Tunah hian Motor te chi 30 Department in a kawl ah hian 16 Gypsy a ni a, 12 chu tunhma ami Jeep a ni a. Tin, Jeep pakhat phei chu hman tlak tawh loh a ni nghe nghe a, tihral tum mek a ni. Hman tlak 11 hei pawh hi chhe tawh tak mai a ni a. Maruti Van 2 a awm a, Petrol hmang Jeep 8 te phei chu kum 10 chuang zet a ni a, an hman theih tawh tawh a. A kal hlei thei tawh lo a ni. Chu chu kan chhanna nise-la, hmang duh tan hman theihin a awm reng e.

PU R.LALZIRLIANA : Pu Speaker, khatianga Officer ten an kawl khan mipui hman theih anih hi tumahin an hre lova, khawngaihin mipui ah hian publitize sela, heti zat hi Central Sorkarin kan Sorkar mipui te hman tur harsat zual rikrum thila hman tur minrawn pe a. Chung chu a ni kha sawi sela,

PU K. SANGTHUAMA MINISTER : Pu Speaker, hami chungchangah chuan a tum tak hi chu mi'n accident te an lo tawh a phur khawm zung zung nan tih a ni a, chutiang accident te a lo awm palh anih chuan. in rawn sawi ang a, kan lo pe zel ang che u.

PU R. LALZIRLIANA : Pu Speaker, Minister ten an kawl leh Officer te'n an kawl a, an duh ang thala an hman tur a ni lo reng reng a tum kha a thelh daih a ni.

PU K. SANGTHUAMA MINISTER : Pu Speaker, Minister in a kawl lo reng reng a. Officer ten an hman atan ka'n pe mai a ni.

S P E A K E R : Question Hour a tawp chiah a ni. Tukin chu hun kan hmang dik hle mai. Tukin hian thil dang tih tur te pawh kan nei dawn a, mahse, chumi hma chuan Presentation of Report kan ko hmasa ang a. Tunah Pu H. Rammawi, Chairman, Public Account; Committee (PAC) chu 9th Report of Public Accounts Committee relating to Printing and Stationery Department Present turin i lo sawm ang.

PU H. RAMMAWI : Pu Speaker, i phalna leh he House rem tihna in Public Accounts Committee Report 9-na he House ah hian ka Present e.

S P E A K E R : A copy kha sam ni sela, Pu C. Sangzuala, Chairman, Committee on Petitions chu 1st Report of the Committee on Petitions Present turin i lo sawm ve leh ang.

PU C. SANGZUALA : Pu Speaker, i phalna leh he House zahawm tak rem tihna in Petition Committee 1st Report hi he House ah hian ka Present e.

S P E A K E R : A copy kha han sem ve leh rawh ule.

Short Duration Discussion neih dilna kan M.L.A. Pu J.Lalthangliana, Pu F.Lal Thanzuala, Pu Lalrinzuala te hnen atangin ka hmu a. An dilna hi kan chhiar chhuak ang e.

To,

The Secretary,
Mizoram Legislative Assembly
Mizoram, Aizawl.

Subj:- Short Duration Discussion neih dil thu.

Pu zahawm tak,

Kan Dan hman lai Chapter 10 No.55 Rules of Procedure and Conduct of Business in min phal sak angin, ni 29.3.2001 Mizoram Legislative Assembly Budget Session kan neihna turah hian Short Duration Discussion neih min phalsak turin ka ngen a che. A chhan chu House Leader in ama firm Neihbawi ram atana Agriculture Department ta Angle Iron a lak chungchang thu a ni a, khawngaiha min ngaih pawimawh sak leh min hlawhtlin tir turin ka ngen che a n. Explanatory note kan han thil tel e tiin.

Nichina ka han sawi tak M.L.A. 3 te khan Short Duration Discussion an rawn dil a. An Explanatory Note chu hetiang hi a ni.

Pu K.T.Rokhaw, MLA in ni 27.3.-2001 a kan Session ah kan Chief Minister-in ama Farm Neihbawi ramah ama chan Department ta Iron dan dik lovin a phurh chhohtir chungchang a sawi chhuak ta mai kha, a paw kan ti a. Hemi chungchang hi thil serious leh Mizoram leh hnam tan mualph theihna a nih avang hian, kan Assembly House ah ngei pawh hian a dik leh dik loh chungchang sawi hi kan mawhpurhna ram hruaitu MLA., Minister, Chief Minister te tan a ni a, hemi chungchang thu hi sawi tha kan ti tiin explanatory note an rawn siam bawk a.

Hei hi ngun takin kan ngaihtuah a, kan House Leader, kan Chief Minister, he thil an rawn putluh chhan hi a ni a, kan dan hian House Leader hi hemi admit tur chungchang thuah hian rawn tur a ni a, a tul anga zawhfiah ngai a awm chuan a thehluttute pawh hi kan zawt tur a ni a. Chutianga House Leader te kan zawh leh kan rawn hnuah chuan House Leader hian admit ngei a thain a hria a. Tin, an sawi hun pawh hi an dil ang hian vawiin ni mai se, he Question Hour zawh hnu hian a ti a. Hemi Parliamentary Practice ah hi chuan hetiang ang hi Short Duration Discussion hi Budget Session bik ah hi chuan

khami Demand te, General Discussion te, khatiangah khan Discussion kha a awm tho avangin, admit zen zen loh pawh hi thiltih dan pangngai zawk a ni a. Mahse, vawiin nia kan thil hi kan House Leader in ama Portfolio a lo ni bawk nen han sawi tlan law law hi a lo duh zawk bawk a.

Tin, chu mai bakah a hunte thleng pawh hian dan ang chuanin kan Business ah hian kan rawn telh vek anga, chungte pawh chu tihdan phung pakhat a ni a, a bik tak erawh chuan Speaker remtihna chuan heta telh loh pawh hian tih theih chu a ni tho a ni. Chutiang te te chuan tunhnuah heng thilte pawh hi a lo la kal leh ang a, hmanah pawh i ti tawh intih angin a kal ngawt theih loh a. A tlangpui chuanin Parliamentary Practice, kan zawm for tur a ni a. Mahse, a leh-lamah, a diltute leh helaia a insawifiahtu turtena an lo duhthusam a nih kha chuanin kan ti mai zel a ni. Hman-nia pawh khan Sawhthing chungchang thua Pu K.L.Lianchia'n Short Duration Discussion a rawn dil ah pawh kha a Ministry lampang, a Minister in-charge te, House Leader te nen kan rawn vek avanga admit kan ni tih kha min lo hriatsak reng thain ka hria a, lo tang viau sela chuan Practice pangnai angin Budget Session bik a lo nih avang khan hnawl mai thei kan ni tihte pawh kha min lo hriatpuiin nakin hnua eng eng emaw sawi hi a awm thin a. Heng ang thil reng reng hi a lai thei ang berin Zoram hruaituten a in thil rawt chi tinrenga hi helai atang hi chua dan-in rem a ti em?tiha hi kan tehna fung a ni a. Chu chu danin thuneihna a pek ang zelin rorel hi kan tum ber a ni tih in hriat a tulin ka hria a.

Hei tuna Short Duration Discussion hi reilote tih a ni. A thusawi tura hi, chuvang chuan. Tin, vawiin pawh hianin heta a rawn diltute hi pathum hi thusawi turin ka sawm ang a, tin, helaiah Opposition Group an awm ve tho si avangin anni lam atang hian pakhat ka sawm ang a. Tin, Ruling lam hi a M.L.A. Member chu in tam hle mai a, mahse, Chief Minister hemi concerned Minister ni bawk hian a sawifiah tho dawn avang hian kan member kan tam a, keini pawn kan sawi ve tur a ni tih lama tan vak lohte pawh kha a thain ka hria. Eng-emaw sawi duh bik nei chu ka tan pawh hnial thlak thuai che u chu a rem bik hran lova. A puha hian thil awmdan a hriat chian ber dawn avangin kan Chief Minister hemi concerned Minister a lo ni zel bawk si a. Chuvangin Ruling lam chu sawi tam vaklo turin kan ngai che u a. Tin, kan Chief Minister hian a sawifiah tawk tura ka ngaih bawk avangin. Tunah, hemi rawn sawi tur hian Pu J.Lal-thangliana 7 minute ka'n phalsak teh ang. In dilah pawh reilote in dil a, in sawisel theih a ni lovang. Short Duration hi chu in dil angin reilote kan pe dawn che u a ni.

PU ZAKHU HLYCHHO

: Pu Speaker, Short Duration tih a nia Darker hnih thleng tih kha a nia.

S P E A K E R : Helaia pawh hi an sawi ve duh thuh mai thei a, nangniah pathum kan rel tawh a. Hetah pakhat kan rel tawh a, helamah hian kan han tih ve leh chuan engzatin nge sawi dawn pawh kan hre bik lova. Paruk (6) chauh in ni a, Khatiang a a proportion a lak kha chu a tih chi loh ang. Chuvangin heta a theh luttute hi kan ngai pawimawh a, kan ti mai a ni.

PU ZAKHU HLYCHHO : Pu Speaker, paruk(6) kan ni a. Chuvangin pahnih(2) in min sawi-tir mai rawh.

S P E A K E R : A hrilhfiah hun chhung tur hi kan hre lova. Minister concerned hian a sawi rei hun chhung tur hi a tuk theih tlat loh. Hei hi tuk a ni ngai lova. A move tute chance ka pe tlemlo che u a, ka pe thui lutuk che u a ni, Short Duration atan chuan, darkar khat chauh pawh kan pe thei a, a aia reilo pawh kan pe thei che u. 7 minutes-ah khan sawi tum rawh u, Pathum(3) in a ngai hi in sawi dawn a, chuvangin a subject a hi thil tam tak a awm lo, a point in in sawi dawn alawm, in sawi ang hian Angle Iron thu hi in sawi dawn a ni mai a, thil dang tam tak sawi in tum a ni. Nakinah Demand-ah in la sawi dawn a ni. Angle Iron thu hi in sawi mai dawn a ni.

PU J.LALTHANGLIANA : Pu Speaker, kan sawi tan ang a, He thil pawimawh tak, Chief Minister Neihbawi Farm House Episode tih vawiin niah sawi a tul ta a. Sawi min phalsak a, ka lawm hle a ni. 27th March, 2001 khan Member zahawm tak Pu Rokhaw an Agriculture Motor ZRG-1520(TMB) Angle Iron Chief Minister Neihbawih farm House ah dah tur hi a phur a ni tih kha a rawn sawi chhuak a. House kha min barakhaih hle a, ka ngaih dan chuan kan Chief Minister hi Minister zingah pawh hlawh tam ber, MLA chu sawi loh, hlawh a tam chhan pawh eiruk venna atan a ni tih a sawi thin a. A rawn sawifiah mai dawn emaw kan ti a, mahsela, Budget Session wind-up khan a rawn sawi ta miah lo mai a ni, General Discussion wind-up khan. Hei chu engatinge maw a serious nen engatinge a sawifiah loh chu aw ! kan ti a. Hemi tlai khan P.C.MLA te Video Camera nen Neihbawih Farm House ah hian kan kal chhova. Pu Speaker, heta hi a Cassette pawh ka nei a, i duh chuan chhuah theih reng a ni.

Tichuan he Farm House ah hian a lo awm ngei mai a. Angle Iron thla lak a ni a. Chumi bakah chuan Goat Wire Mesh roll 30 a awm bawk a. Supreme Court in a phal reng reng loh thing bung zaisa

Farm kawtah chuan a in tiang teuh mai a ni. Video Camera in a lang thei reng a. MAP in an zai lai mek te pawh hmuh tur a awm a ni. Chumi bakah chuan Sorkar Gypsy 4 pakhat phei chu VIP Car-ah, sawi dan chuan kan Chief Minister thiannu hi VIP Car lo chuan a feh duh ngai love an ti a. VIP Light te a awm a ni, a ding reng mai a. Tichuan a kawtah kawngpuiah chuan Agriculture Department Tractor in Sairang atanga Balu rawn phurh chhoh a dinpui a. Chu chu Gypsy hian a thiar thin a ni. Farm House ah chuan chu chu thlalak te pawh kan nei vek a, Video ah a lang vek a ni. Hemi ni kher hian kan Chief Minister thiannu Pi Roneihsang a awm nghe nghe a. Video ah hian a thlalak a awm a. Thusawina te pawh a awm a, a phalna lak a ni. Tichuan, chu chu hemi Angle Iron leh Goat Proof Wire Mesh hemi Farm House kawta chhekkhawm zawng zawng hi a man kan han chhut a. Nusi sarih(7) leh singli leh sangnga leh zariat man a ni. Tichuan ni 27 zan a ni a. Kan rilruah kan Chief Minister hian a man pe lovin a chhekkhawm ang tih kan ring reng reng lo.

Chuvangin, Agriculture Department ah Officer hnenah kan kal a. Angle Iron leh Goat Proof Wire Mesh hi subsidised item ani em tih kan zawng a. Nilo, subsidise item a ni ngai lo. Tumah kan pechhuak ngai lo. Department in kan hmang mai a ni, a tulnaah. Kan pekchhuah pawh kan la hre reng reng lo an ti. Kan rindan tak chuan Bazara mi a lei a ni ang kan ti a. Department ami a lak anih kan la ring phal lo. A chhan chu heng Angle Iron te hi an chhungte Supply vek a ni a. Nimin k'an Agriculture Director ah kan kal a, a ni chuan Aii Puk Farming Society hnenah 50% subsidy a pek turin DAO 'W' hnena kan pek a ni tih min lo hrilh ta a ni.

DAO 'W' ah kan kal a. Hetiang Farming Society hi a awm em ni kan ti a. Kan hre miah lo, kan hnuaiiah chuan awm sela, kan hria ang, a lo ti a ni. Engpawh nise, ka hre soal palh mai thei a. Project Officer kan ko ang a. A hre teh reng emaw a ti a. An ko ta a. Ka Area chhunga Farming Society hriat loh pakhat mah ka nei lo. Mahse, Aii Puk in tih hi chu ka hriat vawi khatna a ni e, a ti a. Tichuan, kan Chief Minister hi ram hruaitu ber a ni a, a Society hi an lo Register reng ang e tiin. Register, Farming and Society ah kan kal a. Hetiang hi a awm lo an ti a. Lehkha min pe a. Chu bakah chuan kan Chief Minister te hi hotu ber a ni a, an fel em a, Co-operative Society ah an Register a ni ang kan ti leh a. An ni pawhin, "Aii Puk chu kan hriat vawi khat na a ni" an ti a.

Hetiang Society kan Register lo tih lehkha min pe . . . leh ta a ni. Pu Speaker, Tichuan Director nian DAO West a kova, tlailam dar 2 velah chuan he lehkha lem hi a lo chhuak ta a ni. Pu Speaker, i duh chuan a copy pawh ka pe ve ang che. He lehkha lem hi a lo chhuak ta a. Tahchuan Aii Puk Society, Sihphir hnenah hian 50% in, subsidy in, Angle Iron 660 pek tur a ni e tih hi nikum November ni 16 Khan Order an chhuah ta a ni.

Mahse, helajah hian Challan lo lang ta chu ni 23.3.2001 nikumah-khan, hei hi Supply tur a ni e, tih he lehkha a hmuh hma daih hian a lo awm tawh a, a phurtu tur pawh ZRG 1520 hian phur rawh se, tih an ziak tel nia mawle, Aii Puk ami a pek tur. Tin, chu bakah chuan Society 2 an lo nei em ni aw kan ti a. Aii Puk Farming Society tana pek tur. Tichuan Barbed Wire Mesh pek tih hian ni 15.3. ah hian order a lo chhuak leh ta a. Chu chu Aii Puk zau, Co.Operative Farming Society hnena pek turin ni 15 March khan order a lo chhuak leh ta a ni.

Tichuan Director ah kan kal a, "He lehkha in issue na hi kan hmu duh e", kan ti a, a awm lo a ni. Tichuan, DAO ah kan kal leh a, "He lehkha hi in hmu tawh em?", kan ti a. An han em a, 'E, hei kan pui a hmuh tawh hi mawle, hei initial a pe tawh a, ni 28.3.2001 hian a pek hi mawle", a ti a. A lang reng a. Hei, 'Vawin a in hmuh chauh a ni maw?' ka ti a. A dik takin a lang a, in received tawh em? ka ti a, "Received tawh a hih chuan Seal kan chhu thian a", an ti a.

Fu Speaker, tawite chauh, minute hnih khat chauh mawle. Chumi hnua h chuan Director Agriculture leh DAO te hnena kan kal chuan, "Pute u, thil kan hrilh mai ang che u, hei hi vawin thil vek a nih hi. Chuvang chuan kan buai zo vek a nih hi, receive dawn ila, vawin a kan hmuh a ni si a, hei hi. Chuvang chuan a inkalh lutuk a ni, kan Register ah pawh khan ziak lova dah tak mai a ni", tiin min chhang a ni. Chuvang chuan he thilah hian ei rukna chiang tak awm niin kan hria a.

Tin, subsidy a pe tur hian, kan hriat dan hian Government phalna a ngai a, phalna la lova, tin, a man pawh hi an la pe lo a ni awm e.

S P E A K E R : I hun a tawp tawh e, Fu F.Lal Thanzuala i lo sawm ve ang. I hriat thiam loh lai apiang kha a la rawn sawifiah dawn nia.

FU F.LAL THANZUALA : Fu Speaker, ka lawm e. He thil hi thil sawi nuam lo tak a ni a, amaherawhchu, kan Sorkar hruaitu ber chung-chang thu a nih tlat avangin sawi ngei tur hi a ni zawk-in ka hria a. A chhan chu House ah sawi chhuah tawh a ni a. Chanchinbu ah tam tak a awm a, hemi rorelna hmun ngeiah hian amah pawhin a dik emaw diklo emaw in sawi felna chance awm lova thil tha lo pawh a ni zawk thei a ni. Chuvangin vawin niah hian amah ngei pawhin a he-tiang sawina hun dilna dang lova a lo pawm a duhthawh tak maia nileng mai pawh a sawi a duhte kha a rilru a pui ngawtin ka hria a.

Vawiin niah hian hei hi sawi ka duh vena chhan chu ram hruaitu hi hetiang kawngah a inti berh ve anih chuan a hnuai mite chu engtingge kan awm ang, pa ber khan hetiang a lo intih berh ve chuan a hnuai amite engtin nge a tih tak ang. Chuvang chuan hetah kan sawi a. A lakna khati teh ngawta tih theih a ni lova, a vel a awm thin alawm mawle, in pawh kan thlen dawnin kawng thui tak kal a ngai thin alawm, inah khan kan zuang lut ringawt thei lo.

Ka hun chu ka thu a nia. Pu Speaker, ka duh ang zawngin ka sawi ve dawn a ni mai a. Thingtlangah sawn vawikhat chu naupang an in awm lem a, naupang pakhat chuanin, kei zu ka rui ang, pa ah ka chang anga zu ka rui ang a ti a, an nuh dar dar a, midang chuan, a tihna chhan chu a pa kha zu a lo rui thin a lo ni a. Khatiang deuh khan vawiin niah hian he thil hi keini pawhin kan hriatthiam loh leh dik lova kan ngaih hi kan House Leader pawhin a dik anih chuan a sawifiah ve ang a, kha kha tha tak a ni. A chhan chu hnam hi a ropui dawn chuan rinawm angai, dik a ngai a. House Leader ber Chief Minister ber nilova a pangper vel ami anih kha chuan ngaihthiam theih vena lai a awm a, a hotupa ber hian sawisel a kai loh chuan khang kha chu a la siam dik thei zel ang tiin mipuiin ngaih dan kan nei thei. Amaherawhchu, amah ber mai hetiang an awm ta hi a pawl tak meuh meuh a, hnam lungngaihna a tlingin ka hria. Hei hi fel taka tih tling tlak hi a ngai a ni. Heng thu han ngaihtuah hian kan sakhaw leh-khabu a Zawlnei tawngkamte pawh kha rilruah a lo lang a. Samari mi lian ho nuhote zawlnei pakhat chuan nangni ho hi Basan phula Bawng thau tla ang in ni a, in pasal te hnenah hianin zu pawh rawn la ula, chutiang khatiang chu rawn la ula, i ei ang u, in ti a. Sai ngho khum-ah in mu a tih ang deuh hlek khanin. Khatiang deuh hlek khan kan mi leh sa te rethei taka an awm lai hian kan thlam te hi a ropui deuh lo maw? Kan cheibawl dan te hi a lutuk deuh a ni lo maw? tih kha ngaihtuah tham moral issue lianpui a awm a.

Chuvang chuan ka duhsak ber chu kan House Leader pawh hi fel takin insawithiam thei sela, ka duh khawp mai. House Leader pawh hi. A chhan chu, Sorkarah hian corruption kan tih reh loh chuan Kohhranah hian kan thianghlim thei tak tak lo. Kohhran ah khan thianghlimna te, rinawmna te sawi sawi mah ila, Sorkarah khan a awm loh chuan a dik thei chuang lo. Inthlunzawm tlat kha a nia. Heti a nih laia a ni ber hetiang a awm si chuan a pawl lutuk a. Pastor pawimawh ang tlukin kan Minister te hi an pawimawh theuh a ni.

Chuvangin hei helai thil te hi mak tak mai chu, Pu Speaker, a dik hian ka hre thei lo reng reng a. Nikum, hei a ziak a chiang em em a, kum 2000, thla 2 ni 28-a challan siam a ni a. Mahse, allotment, a hmasa zawk daih tur kha a ni 28, nimirah

khan an han ti chauh a ni chu. A dik thei lo reng reng a, heng zawnb zawnb hi Pu Speaker, phuahchawp a ni hian a lang a. A paw em em a, hetiang kan Sorkarah a lo awm ta hi. Pathian leh kan ram tan tia kan ngaihtuah a ropui tak a hma lam pana kal tura kan in ngaih lain eng kawngah hian nge maw kan kal tak le ? A va han buaithlak sawt ve tih hi kan in ngaihtuah a ngai ta niin ka hria a. Chuti- tiang a nih loh chuan kan ram hi dikna kawngah leh felna kawngah pawh kan hruai chuang lovang a. Dik lo takin thil kan ti ang a, khami lam kha kan ngaihtuah loh chuan. Tuna ka rilrua awm ber chu a moral issue kha a pawimawh lutuk- in ka hria a. Kan House Leader pawh hi a thiam a nih chuan sawi rawhise. Amaherawhchu, heng hi chu engtin nge ni ta ang le ? Allotment pawh siam hma a challan cut a kum lai mai thlaka an lo cut hi, mak ka ti ngawt mai.

Chuvangin, Pu Speaker, vawiin ah hian kan Sorkar hi a tha zawnin kan kal dawn lo tih hi a hlauhawm hlein ka hria a. Mimal rinawmna te, dikna te, zahawmna te a kan inkaih hruai loh chuan sum leh pai lamah kan tlan ang a. Kan ei theih theih kan ei ang a, kan in thik zel ang a. Tumah insiam dik tur kan awm chuang lovang a, kan zavai hian kan eiru dual dual ang a. Mizo, a langah nisd hian, a chhungrilah chuan depde tak, chhe takin kan awm dawn a ni.

Chuvangin heng hi kan House Leader hian House a an insawi thiamna chauh ni lo hian a dik leh a dik lohna fiah tur hian Inquiry te pawh siam sela. Chutichuan engkim hi fiahfel tak ni sela, tichuan, hetiang a hmingchhiatna a lo awm pawh hi a thianghlim ang a, Mizoram mipui zawnb zawnb hian kan Chief Minister hi entawntlak a ni,

hetiang hi a lo ni zawk e pawh kan ti thei ang. Chumi a nih si loh chuan helai House a inpuh leh insawithiam ringawza kan tawp chuan mipui ngaihtuahna chambang a awm ang. Chumi ni lova hetah kan finfiah fel vek a kha tul em emin ka hria a ni. Pu Speaker, ka lawm e.

PU LALRINZUALA : Pu Speaker, vawiinah hian thil lungchhiatthlak tak thil hre-awm tak kan ngaihtuah a. Vawiina kan thil ngaihtuah hi

khawilai tlangval pakhat thil ruk emaw chu ngaihtuah ila chuan kan pawr viauin ka ring a. Mahse, chu aia serious chu kan ram roreltu sang ber kan Chief Minister thil tih kan ngaihtuah a. Chuvang chuan minute 7 chauh hun kan han nei hi a pawr ka ti khawp mai, chuvang chuan, vawiinah hian thil namai lo kan ngaihtuah a. Nichinah khan kan ngaithla tawh a, a item hrim hrim hi subsidise item a ni lo tih kha kan mover khan a rawn sawi tawh a. Chu chu nimirah khan Directorate-ah leh DAO ah kan zawt chhuak vek a, chu chu chiang takin min hrih a ni. Tun hma reng reng in tih ngai loh thil a ni. Tin, an fimkhur tawh lo an thil tihsual zep tuma dawt sawi tum hi chu a hmuingil lo. Helai ah hian a phurtu hi ZRG-1520 a ni a ti a. Goat proof wire-mesh ah khan angle iron ah pawh chu tho chu a ni a ti a, a Driver hming thuhmun kha an ziak bawh a. Mahse, an hming sign pakhat chuan a hming pumin a ziak a, a pakhat hi chuan thah mai maiin a ziak a. Hei pawh hi a chhan chu he Driver hi station ah a awm lo, kan zawng vek a, nimirah khan a zin bova, a zinbo si lain he lehkha hi buatsaih a ngai si a. Chuvang chuan a hming hi an sign sak mai mai a ni. Hei pawh hi forgery case a ni Pu Speaker, chuvang chuan ru bawh zepru bawh, hi hi chu Lal Davida bawhchhiat vanglai ang kha a ni lawm ni? Lal Davida bawhchhiat vanglai pawh khan Mi nu uire, a uire a zep a, a pasal a thah sak bawh. Kan ru bawh a, kan zepru bawh a, keimahni tih chauh kan duh tawh lova, Official te thil kan tih tir a. Hei aia thil zahthlak hi a awm ngai em ni? Chuvang chuan heng zawng zawng hi kan sorker hian a ngaihtuah tur a ni.

Nimirah khan nilengin he Directorate Office hian thil dang reng reng an ngaihtuah thei lo. Helai dawt sawi tanpuitu tur hian heng document hi an siam a, keinin kan vil tlat bawh si a. Chuvang chuan a harsa lutuk a, hna pawh an thawh thei lo. A lehkha lo kal zawng kha kan han ti a, hengah hian nimirah tlai dar 4:30PM thlenga DAO in an lehkha hmuh te kha kan record vek a. Kan MLA pahnihin an thutchilh reng a, an lo kal lova dar 4:30pm hnu lamah khan ni 27 zan atang khan an bei tawh a ni. A chhan chu kan MLA zahawm tak ten O.T.Singh-a a dik tak chuan kan Mizo tlangval Mizo hmangaihtu Pu Thansanga a lehkhaah hian a awm a, chu chu ka han chhiar a ni a. Kan Mizo tlangval pakhat an hnawl a, an lakluhna chhan hi hetiang thil tih tir tumna hi a ni ang tih ka hlau-thawng em em a ni. Tichuan, an vau a, lehlahmin an vau a, hlau bawh si, lehlahmin thil sual tilo turin kan weng a, a hlau bawh si tuboh leh dolung inkarah khan a awm a ni. A khawngaihthlak hle in ka hria, a mut pawh a tui mieh lovang. Tichuan, a date te kha a inkalhelh ta a, challan-a a landan leh order-a a landan a inang lova. Nimirah lehkha a pek luh, a lo receive leh a receive-tuin a pek chhuah ni te chu nimirah ni 28.3.2001 ah DAO West Mizawl ami hian "hei hi lo pe rawh" tihna Director atangin a dawng a, hei a signature a pe thlapa. Tichuan, ni 28.3.2001-a a

dawn kha, a dawn hma ni 26.3.2001 ah Neihbawih-a a Farm a thleng daih tawh, nimin zingah keimah ngei ka kal a, kan MLA te pahnih nen hian kan la vek tawh a. Chuvang chuan kha kha a awm reng a ni, chutiang chuan hei hi regularised an tum ang tih kan hlawh avangin Dawt chu Dawt in lang rawh se kan ti a ni. Chuvangin, Pu Speaker, hman-nia Budget Discussion kan neih ni khan keini lam hian kan sawi ve lo, kan hriat loh avang khan kan ngaithla a ni. Kan C.M. rawn wind-up tur kha kan beisei ber a chu, hetiang inpuhna a lo awm tak siah chuan a rawn insawi fihlim ang chu kan ti a. Amaherawhchu, a hmel kan en khan a awm a nuam lova, thusawi pawh a tui lo, khalamah khan a rilru a dah tawh reng reng lo, chiang lutuk tak khan, nidangah kan la wind-up tha dawn nia a ti mai mai ta a ni. Chutiang khawp chuan a rilru a ti hrehawm a ni a. Chuvang chuan Pu Speaker, kan rorelna in a lo zahawm a, za a za Christian ram kan ni tihna te hi tunnun a a lo awm theihna turin keini Legislature Party chuan thil kan phut a ni. Kan Chief Minister zahawm tak hian a thianghlimna hi a prove tur a ni. Chumi proof tur chuan engemaw tal hi amah hian a prescribe anga, joint Parliamentary in enquiry kan ti ang a ti emaw, eng enquiry ber emaw action a lak hi kan phut tlat a ni. A chhan chu kan han debate anga, 7 minutes chuan engmah kan neih loh avang khan, kan documents neih pawh hi kan la tifel hman lo a ni. A chhan chu sawi vek dawn ila hun in min daih silo. Anin limit neilovin a han sawi anga, chu chu a tha dawn silo. Chuvang chuan kan phut a hi chu joint Parliamentary Enquiry emaw, aman a remtih ang zawkin anih loh chuan kan High Court judge pakhat talin tu tu te emaw cel hian chutiang tal chuan emaw Enquiry Commission siam sela, chumi chhung chuan ani hian a charge hi midang lo pe sela, Delhi-a a zin chhung pawhin a pe fo a ni, a tello in he Sorkar hi a kal thei tho a ni. Chutiang chuan lo ti sela, chumi chhung chuan lo chawl lailawk sela.

Pu Speaker, Pathian nung be lem lova kan hriat Central lam pawh kan han en a, Bangar Laxman te chu Hindu sakhaw bia kan ti a, kan hmusit viau a niawm e. Amaherawhchu, ani chuan nuai khat avangin a nihna a kalsan ngam a ni. George Fernandez, kan Christian pui pawhin anihna a kalsan ngam a, chutiang chuan an Minister nihna hi an dah ngam a. Pathian leh kan ram tan tiin President hian hetiang hi a tih ve ka beisei a, ka phut a, kan phut tlat a ni tih kha kan sawi duh a ni. Pu Speaker, a rei lo em a pawl ka ti khawp mai.

S P E A K E R

:

A lawmawm, Pu Zakhu Hlychho i lo sawm ve leh ang. Nangmahni lam atangin maw, Aw anih tak chu Pu Zira.

PU R.LALZIRLIANA : Pu speaker, ka lawm e. He thil
ni sawi ka hreh khawp mai
a, kei chuan. Kan House Leader
ber a mualpho chuan eirukna
ah kei ka mualpho tel a ni a, kan ram a mualpho a
ni a, a paw ka ti tak zet a. Vawiin niah hian Pu Rama
hi amah ka haw lova, amaherawhchu, a sua na hi chu ka
haw em em a ni tih hi ka bul tanna a ni a. Kan Chief
Minister zahawm tak hian ei leh bara intodelh a tum kha
a lawmawm ka ti a. Ka lo rin ve danin Zoram loneitute
a hmasain a chawikang anga, chutah chuan a hnungah chuan
kaldan tur a ngaihtuah turah ka lo ngai a, ka lo beisei
thin a. Vawiin ni thlenga kan rama Agriculture-a Mecha-
nisation-a kan hmuh te chu kumin ah hian kan eiral a ni.
Chutih lai chuan Zoram pumpui thil a ni a, kan C.M. ber
hian chutih lai chuan ama Farm siamna atan cheng nuairiat
ngawt man Agriculture Kudam atangin inrinni ah leh thawh-
tanni ah khan a lo lak chhuah tir hi a zahthlak ka ti a,
a vanduaithlak pawh ka ti em em a ni. Helaiia Material a
lakchhuah man hi cheng nuairiat man chauh nimahse, Sai-
ranga Balu a zu phurhna te, Rawra an phurhna te Labour
charge zawng zawng nen chuan cheng nyai sawm hi a khuh
hrim hrim a ni Pu Speaker. Tiang chuanin ni 27.3.2001-a
kan han sawilan khan kan House Leader kha a rawn react
ve tur ah ka ngai a, a react loh kha chuan a pawm hmiah
ah (admit hmiahah) ka ngai a. Tichuan, amaherawhchu, kha-
lai ah khan a han sawi chhuah kha chuan a tan khan har-
satna kha a awm ve dawn a. Engtiangin nge Department lam-
in an rawn chulmam dan tur a kha a hriat siloh avangin a
sawi lo mai ni khan ka hria a. Heta thila kan han rawt
duh chu heti em em a kan Chief Minister-in eirukna kawng
a a thawhpui Agriculture Director corrupt lutuk hi a hma-
sa berin suspend phawt tur a ni. Tichuan suspend chungin
he thil hi chiang takin sorkarin a chhui tur a ni tih hi
ka han ngen a.

Tin, Aaipuk Farmer Society
hi Aizawl West DAO hnuaiia awm tur a ni a, vawiin ni thleng
hian Registration Number pakhatmah a nei lova. Khawiah
hian nge an register tih hi ka hre duh bawk a. Tin, kan
Chief Minister zahawm tak hian Opposition Leader anih
lai khan Chakai Farm kha siam a lo rawt thin a, a lo
hlawk viaw dawn a ni. Vawiin niah hian Chakai tawmna
Aaipuk Farmer Society an siam chuan hei kar lovah cheng
nuairiat, nuaisawm chu an nei nghal mai a ni a, thil tih
awm tak a ni a, a lo ngaihtuah fuh hle pawhin ka hria a
ni. Tichuan eiru thin pawhin insum hun an nei a, Zoram
rorelna sang ber thutkhawm lai kher khera khaweng pawh
zah zolova hetiang anga Opposition Member ten eirukna
thil leh thil dik lo te hi chu an mit an len a, an zawng
ve thin a ni tih hrereng chung a tumah zahna nei lova
MLA te pawh hi min zah lo lutuk a. Hetiang hun kher
khera thimah nilo khaweng ah eiru ngam ngat hi chu Pu
Speaker, a runthlak zualin ka hria a, a inhnuaiichhiah
thlak em em in ka hria a ni. Tichuan he thilah hian

Parliamentary enquiry Commission din nisela, chu chuan he hna a thawh theih nan hian kan Chief Minister zahawm tak hi lo chawl rih sela, a chawl duh em lova, C.M. atanga a bang duh lo anih pawhin Agriculture Department hi kalsan sela. Chumi chung chuan joint Parliamentary enquiry Commission emawin an chhui anga, thil dik taka tih a lo nih phei chuan he Department pawh hi a la leh anga, C.M. atanga a bang anih pawhin a rawn awm leh mai turah ka ngai a. Chutiang ang thil a Commission han din anih loh chuan he House hi a kal tur a ni reng reng lo a ni. Vawiin niah leh kan tih leh zel tur Budget Session pawh hi a kal dawn lo reng reng a ni. Chu chu Pu Speaker, dan ngaina mi leh eirukna hua i ni a, vawiin niah pawh hei kan sawi theih phah a, a lawmawm ka ti a, tichuanin rorelna fel tak i rawn nei thei hi kan beisei em em a ni.

Vawiin niah hian thiam thu sawina hun tur ni 27.3.2001 ah khan a awm tawh a. An tih lohzia leh an tihzia leh khatiang zozai an la chhuak anih hi chuan an hotu Pa berin a hre vek ang. "Hei hi chu chutiang khatiang subsidised rate-a kan neih a ni a. Aipuk society hminga kan lakchhuah a ni" tih a hre vek tur a ni. Nimahse, tun tumah hian sawi tur a hriat loh avang hian vawiin niah hian han sawi mam teh tum mahsela, helaiah hian a tih theih tawh loh reng reng a. Nichina ka thianten an sawi ang khan a phurtute pawh hi G.I. Approved wire hi ZRG.1520 khan a phur lo. ZRG.2426, 608 Truck-in a phur zawk a ni. Chu chu chiang taka kan hriat bawka a ni. Challan-ah pawh hian a dik lo bawka. Hetah ni 28-ah an hotu Pain a lo hmu chauh a, mahse ni 26-ah daih hian Challan an issue tawh si a. Hei ka hmu tawh a, Challan hi lo issue rawh tihna ang chauh a ni. Chuvangin Pu Speaker, he thil hi dawt muhlum hlak a ni, chuvangin, helaiah hian thiam thu sawi ve tur an neih pawh in an sawi leh tura pawh chu dawt vek a ni tih chi a ni. Chuvangin thu dik lai hlan nan Parliamentary enquiry Commission kha siam ngei ang che, chuti anih loh chuan i rorelna hi nangmah zah loh vang ni lovin, he House zahawmna humhim duh avangin House hi a kal lovang tih ka han sawi duh a ni. Ka lawm e.

S P E A K E R

: HUN in hmang dik hle tak tak mai, a lawmawm hle a ni. Ruling lam atang hian la sawi duh te hi in ko ve teh ang.

Sawi duh in nei dawn em ?

C.M. in a khaikhawm tawh hi chuan midang kon leh chu a remchang lovang.

PU ZORAMTHANGA
CHIEF MINISTER

: Pu Speaker, kan sawi anga,
tawk mai rawh se, midang a
ngai hnan love.

Awle, Pu Speaker, 7mins mi
pali-in an sawi a, 28mins, amaherawhchu, khati em em kha
ka sawi lovanga, kan sawi duh chu kan Member zahawm tak
ten helai hi thil fello a awm e, han enchiang la, sawi
hona pawh i nei ang u, an han tih kha a lawmawm hle in
ka hria a. Hetiang hi thil anihna kan laihlan chian loh
chuan kan House-ah rorelna te pawh a mam lova, a zawh
pawh kan inzawt kan inzawt fiah a. Chuvangin a sawi pawh
kan sawi fiah anga. Tun hnai khan khilai Sihphir, tuna
LAD in bawlhhlawh paihna an siam hnuaiah khian Lo kan
lei ve a, huan aniang chu, chu chu Thinghmun tunhma
atanga awm thin, clear pawh la clear loh anih avang khan
a vah te pawh a ngai a, chu chu kan huan neih ve chhun
anah avangin thlai chin te pawh kan duh a, a vah te pawh
kan han vat a, Mahse, kan Mizo tihdan pangngaiin kan hal
lo thei lova, kan huan chu, chumi kan halna thing te
chu, a thing a tha lo angreng viauva, hnum leh thil dang
te a ni a. Mahse, a uihawm e, kan ti a, kan chhek khawl
zel a, kang kha kan ti lo thei lova, chu chu a vahchap
khawiah mah kan pah lo thei bik lova. Chu chu a bul
ami kha, Ai Puk, nilovin, Aii-puk a ni a, Aii hian tawm
na puk a nei thin a, Lo-lu ah khan chumi ho chuan Aii-
puk Society an din ve a, kan kal hma ami a lo ni tawh
awm nghe nghe a. Keini phei chuan a hriat pawh kan lo
hre lova, tunhnua kan hriat leh a ni a. Chu chu In pawh
15 lai a ni a, keini kha a chunglam, kawng hnaih lam-
pang zual khi In 4 vel kan ni a, chumi kan neih ah chuan
a ral lehlama tunhma atanga Link-road lo kal thin kha a
awm a ni a. Khatatang khan mi an lo kal a, khami then-
awmte lo lamah khan kal thlakna a nuam si a, an lo kal
thla kha thil a bo nasa lutuk a. Silpailine te, bungrua
chitin reng mai a bo nasa lutuk a, an mangangin a hma
khan Agriculture-in hetiang hi chu hemi chho ah pawh a
hungna an tih sak thleh thluah a. Keini pawh min tihsak
ve thei ang, i dil ang u, hemi Angle-Iron te, an dil tak
phei chu Barbed-wire a ni a, Barbed-wire te hi dil ila,
tihngaihna a awm lo, a bo nasa lutuk an ti a, a dil pawh
an dil a.

Tin, kei a hminga Agricul-
ture Minister ber kha chu delegation-in kan lo kal dawn,
nangni pawhin huan anih avangin in Nu kha Member-ah kan
rawn ring nghal anga, electric pek leh hemi hungna hi,
a hung tak tak a vai chuan tihngaihna a awm lova. Mahse,
mi lo kalna helai danna tur zual hi chu kan tih loh chuan
thil be a nasa lutuk a, chuvangin min han tih ran teh u,
thlai chi thlak leh hnathawh a tul chho si a, an ti a.
Tichuan kei pawhin Agriculture Director lamah te pawh
khan kan lo zuk sawipui a, kan Nu te pawhin an phone pui
a. Khi khi min rawn tih chhoh vat a ngai ania hei a bo
nasa lutuk, kan buai ania kan ti a. Anni khan chumi chu

hriain an lo dah chhova. Tin a dah chhohna ah pawh khan anmahni pawhin hmun dangah pawh Agriculture Department ina tanpuina in pek hi chuan a Motor pawhin in phurh sak zung zung a, a Minister ber awmna Farm ah hi chuan minute 40 lek tlan a ni a, min rawn dah sak ve sela a tha. Ni e, chung pawh kan lo hriih dawn nia, hmun dang ah pawh hla tak tak, ni khat kal amite pawh kan phurh sak teuh alawm kan ti a. Tichuan, Session lai takin, thil, a ruka kal anih loh avangin an dahna pawh Silchar kawngpui dung a ni. Truck khan a phur chho a, hetah LAD in bawlhhlawh an paihna bulah khan a lo han load thla ruih ruih a. Chhun laiah, khami kawngpui ah khan, chumi thawm an hriat khan a fehho khan e khai, khi khi a dahna tur a ni lo, hetah a hnaiah rawn ti thla leh rawh se an ti a. An tlan chho a, engemawzat chu a lo lead thla hman a, hemi a thlang deuh hlek, a hnaivai turah khan an load thlak tir a. Hetia kawngpui bula kan dah phei chuan zan khat pawh a awm lo tawp ang, an phur bo leh vek ang. Chuvangin zanin ngeiah thlam bulah lak thlak a ngai a ni an ti a. Tichuan, anla thla leh ta chuk chuk a, Hei hi keini kan thiam kha a kawt zawl a zauva, a bo nasat avang khan kan nau te kan riah tir a. Hemi riahchilhna kawtah hian awm rawh se an ti a, an dah ta a.

Tichuan, an rawn dah pawh khan kan en a, barbed wire pawh awm lo lehngal, engtin nge kan tih dawn an rawn ti a. Goat proof wire-mesh an tih hi chu tel khat pawh hi han pawt mar ila, inchhung dung chen awrh a ni dawn si a, kan mamawh chanve chanve leh pawh a phuhru silova, barbed wire hian a tih leh theih lawm ni? Mi kalna dal tur chuan a tha ber si a, an ti a. Chu chu anmahni pawhin an lo sawi fo a ni a, engpawhnise, hei hi chu an hnenah pawh sawi ila, insiam rem dan emaw, a thlang dan emaw te a awm chuan anni lam khan hetah a rawn pek dan ang kha chu tumah hria pawh an awm ka ring lo. Tin, chumi rual chuan khimi Aii-puk Society ho kha an in register lo tih kha, in register teh nang, Champhai ah pawh zau hrang hrang an awm a, tumah an in register lo, hei hmun dangah pawh register a neihih a mimal te pawh kan pe tam em Agriculture hian? Chuvangin Society zau khi in register pawh an awm anga, a tam ber khi chu an in register pawh ka ring lo. Tichuan, an in register lova, midang pawh register loh kan pe teuh.

Pu speaker, Agriculture te, Horticulture te hian hun lo kalin a mamawh angin, la pek miah loh pawh hi pek kan tum a ni. Entirnan- Pu speaker, ka sawi zawh hi nghak ve sela, anni pawh kan tih buai loh kha. Entirnan- Pu Ropuia bial ah pawh Muallianpui lamin Panhnah an ching a, chumi chu a tawlh thlakna tur lawng min pek loh chuan a ngaihna a awm lo, min ngaih tua hui a ngai an ti a. Chuvangin Subsidy-a tih tura dah pawh ni chuang lo, a thlawna pek tur list a awm chuang lo, lawng pawh kha an mamawh a, Agriculture leh Horticulture-in an mamawh avangin hei hi keimahin

remchang ah lo ngaihtuah pui rawh u, ka ti a, pek pawh kan tum a ni. Chutiangin a mamawh ang zelin ka pe a ni.

Dan nilovin Department-in a tul kan tih anga Ministry khaituin kalpui kan tum dan hian khatiang head hnuatia lei tur te, kan work programme ah hian kan dah zel a ni. Chu chu kan tih dan a ni a. Pu Speaker, hemi thuah hian kan sawi duh chu khatiangah dah chhoh anih takah Khan kan MLA ten an lo han tlawh a, Video Camera nen an lo han la a, a zep pawh kan zep lo ka sawi ang Khan, open anih avangih Session lain chhunah Aizawl-Silchar road ah chhunah an load thla sup sup a. Chuvangin a ruka tih kan tum reng reng lo, kha Society tana pek kha.

Tin, chumi zawhah chuan kan Member ten office lamah nen engati nge an lo zuk tih takah ah chuan anni pawh an buai khawp ang tih ka ring a ni. Hetiang, hian MLA te pawhin ka bialah tui pipe hetia tih tur a awm a, hei a lo zin laklawh tawh si a, issue ve teh kan ti a, tikhan kan ti a, kan issue tir a. A mamawh ang zelin Farmers ho hnenah hian, a then phei chu emergency bik tak taka tih ngai te pawh a awm a, chung chu kan han issue rup rup a, a date leh thil dang adjustment a phei kha chu inmil mangloa an lo adjust te pawh a awm teuhin ka ring.

Tin, a dangah pawh hian a awm teuhin ka ring an han regularised naah kha chuan. Chu chu a dik pawh ka ring a, tun ami pawh kha khutah Director-ah nen Joint Director-ah nen MLA in an hual tuau tuau a, khatia bichilh taka adjustment an tih chuan a date te pawh kha an dah soal rem rum pawh ka ring. Hetah hmun danga kan issue pawh kha a tahrik nen a in mil chiah lo tih lai kha chu a awm teuhin ka ring. Tin, kan Financial adjustment ah te Department tinrengin kal kal puina ah hian a date regularisation ah hi chuan inmil lo hi a awm thin a. Ama'rawhchu, a awmia zawk takah erawh chuan khami bungrua kha pek chhuah a ni em? An dawng em? tih a kha kan hriat tur a chu a ni a.

Tichuan Pu Speaker, hemi Department-ina kan kalpuina ah hian kei pawh kan huan a kha he Aii-puk society ah hian a area hian a cover avangin keini pawh kan tel a. Tin, hemi ami lo luhna dalna tur atan hian kan huan chu. hungna tur pawh a awm a, a dang hungna chin tur pawh a awm a, a dah phei chu a dah hauh lo a. Chu chu a kal pawh kan kalpui dawn a ni. Chu chu tunah pawh hian Pu Speaker, kan han kal chho zel a, power Department-ah pawh khami Society, Khan kan chhehvel ami zawng zawngten a firm ah leh an lovah Electric an nei a. Hei hi keini ho pawh hian kan nei ve tur a ni. Power Minister ina min pek theih lai anih avangin a ngen pawh kan ngen ngawl an ti a, dil pawh min rawn dil nasa a. Mahse, pawisa involvement te a tam avangin Department-in kan nei rih lo e, hei zawng kan ti thei rih lo, lo nghak rawh u, ka ti a, a nawr

pawh min nawr nasa ve reng a. Hemi ah hian kan sawi duh a chu keini MLA te, Minister te, Chief Minister te pawh hian Speaker te nen pawh huan kan nei a, leilet kan nei a, kan ram hetia kan develop-a kan tih chhoh hi tha kan tih avangin Mizoram chu Agriculture ina hmun tha tak a neihna anih avangin leilet nei pawh kan tam anga, huan nei pawh kan tam anga, Farm nei pawh kan tam ang. Chumi tanpui tur chuan, Ekhai, Pj Speaker, chutimai chuan kan hre chiang lovang, chu zawng question hour-ah le. Chuvangin Pu Speaker, helaiah hian theih tawpin tanpui pawh kan tum zel a. Chuchang a ni lova, tun aia nasa ah chuan Champhaia kan leilet ngat pawh khi tunah subsidise pawh ni lovin Department Tractor-in min nawr zawl sak teuh tawh a ni. Chuchang ni lovin, khami panna tur a kha (Buldozer ni love, Tractor-in a ni a tih ni hei hi chu, a blade an vuah a). Chuchang pawh nilovin, a tui kawng pawh an lai hen hun a, chutiang bawkin Champhai ah te, hetah Kolasib lam side ah te subsidy ni miah lovin Department hian, Department Buldozer te, Tractor te hire tein a nuai tel tam man kan thawh sak teuh a.

Tin, chu chauh chu nilovin a dangah pawh hian a bungrua te pipe te, thil dangte hian kan pe teuh a, kan phurh sak a, a hmunah te pawh kan dah a. Chu chu kan Department hnathawh dan leh a kal dan chu a ni. Chuvangin, ngawi rawh Pu Speaker, kei tal hian kan sawi zo ang chu mawle. Chuvangin helaiah hian kan Minister te, kan MLA te pawhin huan te, Farm te, leilet te an nei anih chuan Department-ina hma an lakha ah hian kan theih tawpa, chumi an mimal huan a ni emaw, tin, khami a zau kha a ni emaw tanpui an ngaih chuan tanpui zel pawh kan tum a ni. Chuvangin (Member te an lo tawng zel a) ngawi rawh Pu Speaker, a sawi pawh kan sawi zo ve phawt ang chu mawle.

S P E A K E R : Ngawi rawh han sawi zo lawk teh se, i sawi zawh tir lawk ang u, ngaithla teh u. Helam pawh thu ula, helam pawh thu teh u. A sawi hi i ngaithla ang u, a hrilhfiah a nia, a ngaihthlak kha kan tih tur ani. (Member te an lo tawng zel a) Ni lo, thil dang chu sawifiahna hun tur in la nei tho tho dawn, a sawi hi ngaithla teh u, a sawifiah mek a, chu chu i ngaithla teh ang (Member te an lo tawng bengchheng zel a) Kal rawh u, nangni pawh lo thu teh u, thu theuh teh u, a sawifiah mek hi i ngaithla teh ang u, (Member te lo tawng nasat avangin a ziah theih loh) Ngawi rawh u, ngaithla tawn teh u, han sawi lawk rawh se, han sawi lawk rawh se, i ngaithla rih ang u, a mawi pawh a mawi ang, in tan pawh a mawi zawk ang, han sawi tlang lawk rawh se.

PU ZORAMTHANGA
CHIEF MINISTER

: Pu Speaker, ni e, kan pe teuh a, subsidy te a awm a, a then chu a thlawna pek te pawh an awm a. Tin, a tul ang zelin emergency thilah chuan a pek pawh kan pe reng reng a. Hei chu lo ziak fel mai rawh u, hei chu lo bill ula, a man chu nakinah lo kal mai rawh se, han tih zung zung te pawh kan nei a. Emergency thil tak tak te pawh a lo awm thin reng a ni. Chu chu kan tih dan a ni a, lo neih lamah leh Agriculture lamah theih tawpin sorkarin hmalak kan tum a. Chutah chuan in encourage tlang ila kan tih avangin, tun ah hei hi chu pek loh tur, hemi zau-vah hian kei ka tel ve a, ka hming a chhia ang ti ta tlat ila. C.M. awmna te, Minister awmna, kan MLA awmna zaute kha tik hai ang maiin an awm chuan min an hlau dawn a, hei tanpuina hmuñ theih lohna a ni tih a ni zel dawn a. Chu chu a tha lova, chuai chuan kan theih tawkin kan awmna zaute hi tanpuina hmu thei tura kan sawi pui zawk turah kan ngai a.

Tin, Pu Speaker, kan MLA zah-awm tak te pawh hian ka duh dan chuan tun hunah chuan sorkar hian huan te, ram pawh, Mizoram kan ngah a, Sq. km.20000 chuang kan nei a. Tin, lo hmun pawh insem vek ila a chanve hian kan insem zo lova. Chutiang ram chu a nih avang hian mirethei pawh hian a tam thei ang ber nei ila. Tin, chu chauh chu nilovin, chumi tanpuina tur chuan sorkar pawhin hetah hian hmalak zel kan tum a ni. Chuvangin kan MLA te pawhin an awmna ah te heng hi tanpuina rawn sawipui tur an nei anih chuan rawn sawi zel sela, kan theih tawkin kan lo tihpui anga. Chutilo chuan thing-tlang khua ah MLA te, sorkar hnathawk lian te, Minister te ram an pekna chhan hi khami tanpuina tur atan hian a sawipuitu an chak beisei vanga ti an ni a. Chuvangin, chung awmna tur atan chuan mahni ram kha pek an duh theuh thin. Chuvangin kan MLA te pawhin inthlahrung hauh lovin rawn ti zel sela, a hotupa ber pawhin hei zak miah lovin kan zau te chu ka sawipui nasa ania. Chuvangin anni pawh hian rawn sawipui sela kan pe zel ang, tih kha kan hrilh duh a ni. Chuvangin heng zawng zawng ah hian kan tihna chhan a kha kan zau te kan pek ang khan Pu Speaker, nang pawh i bial ah te pawh tuikawng te pawh a nuai tel man kan la laih sak anga, huan pawh a hungna tur leh thil dang pawh kan la pe zel ang.

Tin, a mimal pawhin hei hi kan pe thei zel a ni. Department hmalakna ah khan hei hi a kalphung pangngai a ni. Chuvangin hei hi keima mimal a ka lak, ni sela chuan thuhra a ni a. Amaherawhchu, he zau-ina a lo lak, a dangah pawh khan kan tih tur a ni. Chutilo chuan Agriculture Department-in kan hmalakna hi encourage theih tawpa kan tum avang hian kan MLA te pawh in an theih tawpin rawn tihpui zel sela. A nawr pawh kan lo nawr pui zel ang tih kha kan sawi duh zawk a ni e. Ka lawm e.

Speech not corrected.

...355/-

PU LALHMINGTHANGA : Pu Speaker, hetiangah hian Demand Opposition ten Parliament ah pawh Legislative Assembly ah pawh kan nei thin a.

Kan Demand kha Joint Parliamentary Enquiry Commission High Court Judge pakhat telin hemi endik tur hian kan C.M. tan pawh a tha a. Tunah chuan rinhlelh a hlawh a, tin, khami chhung khan a office chu lo chhuahsan turin kan ngena. Kha kha House Leader a ni a, chu chu min assure thei em ? Min assure theih loh chuan House a kal dawn lo ania. Chu chu kan hrilh Chiang sa a, chu chu kan zawt a, khawngaih takin min rawn chhang rawh se, Pu Speaker, House Leader a ni a, kha kha a thuneihna a ni. He Sorkar hi a ta a ni a. Engpawhnise, a duh dawn lo anih chuan House hi a kal dawn lo.

S P E A K E R : (An inhnial buai) Khalai kha chu chhan tul i tih leh tih loh a ni mai.

PU ZORAMTHANGA CHIEF MINISTER : Pu Speaker, khalai kha chu issue na fel leh fel lo laia kha chu kan lo en ange.

S P E A K E R : A ie, Meeting Adjourned. Dar 2:00 ah kan lut leh ang.

12:46 PM.

S P E A K E R : Right i nei lo, lo thu hrilh rawh. Short duration discussion reng reng ah hian thutlukna siam ngai a ni lova, vawi khatmah an la siam ngai lo (A buai nuai nuai)

Meeting adjourned. 2:10 PM.

DR. LALZAMA : Pu Speaker, Short Duration Discussion kan zo tawh a, chawhmain an duh tawkin an sawi tawh a. Pali(4) in minute 30 chuang an hmang tawh a, keini lam atangin pakhatin an sawi a. Sawi chhonzawm zel an duh chuan a paw kan ti lo. Mahse, kan business-a kal a hun tawh.

...356/-

Duh tawkin chawhma lamah pal -in an sawi tawh a, minute 28 an sawi tawh a. Keini lamah pakhat chauhin an sawia. Chuvang chuan kha kha chu ngaihthlak reng chi a ni lovang.

PU Z.H.ROPUIA : Pu Speaker, Short Duration Discussion a ni a, long duration pawh a ni lova. Chiang takin a hrilhfiah che u a, discussion a ni a. Thu mai mai rawh u, discussion a ni a, in zo tawh alawm, long discussion engah nge in dil loh? Long duration tal engah nge in dil loh? Short discussion duration a ni a, kan zo tawh alawm.

(Inhnial buai, tawng hriat theih loh)

S P E A K E R : Awle, kan hun a tawpa, naktuk 10:30 AM ah kan tan leh ang.

Meeting adjourned. at 4:00PM.

...351/